


Inversion grandi miyonario pa otro monumento

destina pa artesanonan cu seyo di Aruba



ORANJESTAD(AAN): Den sala di conseho di ministro nan tabata tin un conferencia di prensa caminda Mike Eman prome minister di Aruba a comenta riba un proyecto pa restaura otro proyecto importante pa pais Aruba. Den e buskeda pa rivitaliza Aruba completo y nos herencia cultural a pone tambe edificionan monumental como prioridad. Tin diferente edificio manera algun cu tin 100 aña.

E ex edificio di BUVO a ta un di nan. E pinturanan a worde haci y e contratista ta cla. Durante e conferencia di prensa e prome minister Mike Eman a sigui splica cu tin al-

gun edificio bunita caba monumental cu ta renoba. Awor lo crea e concepto completo cu kier logra.

Esaki ta un soño cu lo bira realidad. Tabata tin hopi edificio deteriora cu tabata mester di worde renoba. Paso pa paso tur lo worde renoba. Esnan cu ta traha artesanian di Aruba cu seyo nacional lo ser acomoda den e localidad monumental cu lo worde renoba y cu ta costa net algo mas cu un miyon Florin.

Minister Benny Sevinger durante e conferencia di prensa tambe a comenta riba e proyecto pa renoba otro monumento lo costa algo mas



cu un miyon Florin. E mandatario encarga cu infraestructura a splica cu poco poco e puzzle a cuminsa forma y ta aprecia cu a yega e momento pa cuminsa cu e proyecto. Gobierno ta contento cu otro proyecto di e 80 proyectonan cu tin.

E importancia di e uso di e edificio tambe ta algo cu a worde papia. E trabaonan ta hopi pero tin un bon team y bin experto. Minister Michelle Hooyboer Winklaar a splica cu e edificio monumen-

tal aki ta hopi special. Algun dia pasa a papia di e proyecto seyo di Aruba.

E seyo aki nifica cu ta un artista conoci of reconocí na Aruba. Por pensa riba diferente caminda cu por mira e proyectonan aki. E combinacion aki ta pa duna e artistanan aki un forma pa duna e yfor ora un hende cumpra algo e garantia cu ta algo di Aruba mes. Tin mas plan y un vision ora a bay over na desaroya e proyecto aki segun Minister

di Cultura Michelle Hooyboer Winklaar. Kizas e espacio lo no carga tur e artistanan cu tin pero lo duna cada uno e chens pa bende nan productu y espacio pa e workshopnan. Cosnan ta canando y ta mira cu e proyectonan ta trece mas movecion tambe. Por pensa riba cualkier ciudad rond mundo unda tin hopi punto cu ta duna contenido na cultura di un pais den e espacionan publico cu tin segun minister Michelle Hooyboer Winklaar.